



# CONSIGLIO REGIONALE DELLA SARDEGNA

QUINDICESIMA LEGISLATURA

N. 233

MOZIONE COCCO Pietro - PITTALIS - DESINI - ANEDDA - RUBIU - ZANCHETTA - USULA - CARTA - DEDONI - COCCO Daniele Secondo sulla costituzione della Consulta interistituzionale fra le assemblee rappresentative della Sardegna e della Corsica.

## IL CONSIGLIO REGIONALE

### U Cunsigliu Regionale

in seguita di u scontru cù i ripresententi di l'Assemblea di Corsica in spiazzamentu in Cagliari u 28 d'aprile di u 2016.

#### CUSTATTATA

a vulintà cumuna di misurà si à u futuru di e proprie nazione è di l'Europa intera affinche di determinà è scumparte i parcorsi cumuni chì determineghjenu u migliuramentu di e cundizione di vita di i so proprii cittadini.

**RAMINTATA** l'amicizia è l'aspirazione cumuna à a libertà è à u dirittu di decisione di u populu sardu è di u populu corsu, cum'è e personalità storiche è pulitiche di Giovanni Maria Angioy e Pasquale Paoli, chì sapionu indicà a strada di una muderna suvranità cumpatibule cun i principii fundatori di l'Europa di i populi è cun quelli caratteristichi di u federalisimu demucraticu.

**MANIFESTATA** a cunvizione cumuna chì, in issi tempi difficiuli è strasurdinariii d'oghje, chì u quadru economicusuciale di l'Eurupa pate a crisa per via di pulitiche centraliste è di l'austerità, a custruzione di un parcorsu puliticu possi esse determinante per ripurtà à l'attenzione di l'altre nazione eurpee u dibattitu nantu à l'impurtanza di l'edificazione di un' Europa fundata non più solu nantu à basa di l'interessi economicu ma dinù nantu à a "valorizzazione" di i populi d'Europa.

#### CUNSTATTATU chì

- troppu spessu e duie isule anu patutu e scelte fatte da organisimi esterni chì ùn anu tenuu contu di e ricadute economiche è suciale nantu à i territorii, sacrificandu è murtificandu ne e particolarità è chì dunque diventa necessariu chì a Sardegna è a Corsica mettessinu tuttu in opera per cuntribuiisce à fà piantà u parcorsu di centralizzazione di i puteri da a parte di l'organisimi trasnaziunali eurpei;
- a Sardegna è a Corsica, ben ch'elle abbianu potenzialità tamantissime grazia ancu à paisagi unichi, facenu parte di e più regione povere d'Europa à livellu di u rivenutu per capu.

**CUNVINTI** chì a sinergia trà duie terre cusì vicine è chì si trovanu in pusizione geugrafica strategica sia utile per u rilanciu di signa ecunomia.

**RIAFIRMATA** a vulintà pulitica cumuna di prucedu versu forme avanzate d'accunsentu trà l'isule à parte di una sperienza cumuna di autonomisimu è federalisimu, cun l'ogettivu di una ricunniscenza à pienu di l'insularità da a parte di l'Unione Europea, strumentu efficace per fà fronte à e sfide di a globalizzazione è di a cumpetizione nantu à i mercati mundiali, è sustene pulitiche di crescita è di sviluppu, in particolare per i trasporti, l'energia è u fiscu.

**RIAFIRMATU** altresì chì e scelte fundamentele per u sviluppu di u so propriu territoriu, cum'è quelle energetiche, nantu à a mubilità, nantu à u sviluppu urbanu è campagnolu, ùn ponu esse determinate senza l'impiecazione di e regione è di e popolazione.

**REITERATU** chì i duminii rispettivi d'autonomia cunquisti sinu à oghje in seghju naziunale devenu esse difesi è allargati rivendichendu spazii maiò d'autogovernanza di pettu à i Stati talianu è francese.

**SOTTULINEATU** chì i costi addizionali ch'ellu patenu l'isule di Sardegna è di Corsica in pargonu cun quelli di u cuntinente, ponu esse cumpensati cù regimi fiscali speciali, adimessi da l'Europa è scritti in signu statutu d'autonomia;

**CONSIDERATU** chì , ben chì i sardi e i corsi si sianu upposti cun fiertà à i duminatori esteri chì durante seculi anu invaditu e so coste, a custruzione di i stati nazione à l'epica muderna, è u so stabilimentu definitivu dopu à e duie guerre di u vintesimu, hà impeditu u populu sardu è u corsu, casi unichi micca in Europa, di seguità u parcorsu naturale versu l'autodeterminazione.

**REITERATU** chì quantunque ùn si possi nigà a so esistenza da nazione cun un patrimoniù culturale è linguisticu propriu;

**RIAFIRMATE** e ragiò di a specialità statutaria è di l'identità è ramintatu u scrittu di l'articulu 22 di a cartula di i diritti fundamentele, induve ch'ellu s'accerta chì l'Unione rispetta a diversità culturale, religiosa è linguistica, in più di l'ogettivu, specificatu in u trattatu di Lisbona, nantu à u rinforzu, a salvezza è a prumuzione di u patrimoniù linguisticu è culturale di l'Unione Europea in tutta a so diversità;

**CUNSIDERATE** e carte, l'avisi è e resuluzione di e stituzione di l'organizzazione europeu, in particolare a Cartula europea di e lingue regiunale è minoritarie di u Cunsigliu di l'Europa, u 5 di nuvembre di u 1992; a Dichjarazione universale di i diritti linguistichi (1996), a Cunvenzione quadru per a prutezzione di e minorità naziunale (1995)

**RAMENTATA** a risuluzione n°. 301 nantu à e lingue minoritarie, approvata da u Parlamentu Europeu in a sessione plenaria da u 17 à u 19 di marzu 2010 chì invita e regione à : assicurà si d'avè pulitiche linguistiche per garantisce una tutela è una prumuzione di e lingue regiunale presente nantu à u so territoriu; incuragisce un adopru spartu di e lingue regiunale o minoritarie in l'ambiu di l'insignamentu, di l'amministrazione, di i media, di l'ecunomia è di a vita suciale, incuragisce a supranità di e lingue regiunale o minoritarie per i funziunari di u settore publicu; dà finanziamenti per garantisce un insegnamentu di e lingue regiunale da a scola materna; sustene a creazione di scole bislingue, induve l'insignamentu di a lingua naziunale hè associatu cù lezioni in una lingua regiunale o minoritaria, prumove l'usu di e lingue regiunale o minoritarie in i media lucali è regiunali è in a vita suciale è ecunomia; prumove l'usu di e lingue regiunale cù una gamma d'attività culturale, cum'è

spettacoli teatrali, mostre, festivali literarii è cuncorsi; incuragisce è prumove l'accordi trasfuntalieri in materia di e lingue è i scambi culturali, per sviluppà a cuuperazione economica trasfuntaliera

**AFFIRMATA** a vulintà d'intraprende una strada pulitica cumuna per u rinforzu di e supranità rispettive à traversu l'approbazione di novi statuti chì riaccertinu u rollu di l'assemblee elettive di Sardegna è di Corsica da parlamenti di u populu sardu è di u populu corsu, ricutendu di modu mudernu è eurupeista i puteri, i valori è a libertà di e nostre antiche stituzione, esempiu vivu di l'aspirazione à a libertà di i nostri populi, chì solu a forza pote sguassà.

**ATTU PIGLIATU** chì a Sardegna è a Corsica, ben ch'elle abbianu in cumunu un parcorsu storicu parallellu, ch'ellu si tratti di a cunquista da i rumani, à a duminazione spagnola, à u tributu maiò pagatu da i populi sardu è corsu durante a pritma guerra mundiale, ùn anu custruitu parcorsi pulitichi o stituzionali cumuni cumpiiti.

**RITENUTU** chì a custruzione d'un parcorsu puliticu cumunu hè destinatu à un fallu s'ellu ùn ci hè attempu una impiecazione di i citatini à traversu un prucessu culturale à sparte per sviluppà una fraternità di populi da perennità lu qualsiasi a cuntigenza pulitica;

**SOTTULINEATA** a necessità d'impieca e nove generazione cù a cunniscenza, a diffuzione è a valorisazione di a lingua, di a storia è di e tradizione lucali, cù u cuncorsu di e scole è di l'università in i prugetti di ricerca è di cumunicazione.

**RAMINTATE** e cuntribuzione di u Presidente di u Cunsigliu sardu Gianfranco Ganau, di u Presidente di l'Assemblea di Corsica Ghjuvan Guidu Talamoni, di i presidenti di i gruppi pulitichi di u Cunsigliu regiunale è di i presidenti di i gruppu di l'Assemblea di Corsica per urganizà u scontru,

### **Risuluzione**

- 1) di aderà à a custituzione di a "Cunsulta sardo-corsa" per a predisposizione di atti, documenti, è di ogni iniziativa finalizata in seguitu à l'oghjettivi mintuvati in principiu per a salvezza è a valorizzazione di l'identità di u populu sardu è di u populu corsu.
- 2) di indicà cù i Presidenti rispettivi di l'Assemblee regiunale è cù i Presidenti di gruppu di u Cunsigliu Regiunale sardu è di l'Assemblea corsa, a cumpusizione di a Cunsulta chì deve accunsenti à l'unanimità in a so prima seduta u regulamentu per u so funziunamentu chì deverà riferisce à e l'Assemblee rispettive per l'attività cundutte è l'oghjettivi raghjunti ogni semestru;
- 3) Di dà mandatu à u Presidente di u Cunsigliu regiunale, dopu accordu cù u Presidente di l'Assemblea di Corsica, da ch'ellu prucedu à a cunvucazione, à u più tardi sessanta ghjorni dopu à u votu di sta muzione, di a prima riunione di a Cunsulta sardo-corsa.

Cagliari, 26 aprile 2016

f.to Cocco Pietro, Pittalis, Desini, Anedda, Rubiu,  
Zanchetta, Usula, Carta, Dedoni, Cocco  
Daniele Secondo

per copia cunforme  
U CAPISERVIZIU ASSEMBLEA